

# LATGALIŠU GAZETA

## Nu šķārsteikla iz papeira

Kotru mienesi laikroksta "Latgales Laiks" skaiteituojum bīdreiba "Latgolys Studentu centrs" pidoovuos pilykumu ar nūsaukumu "Latgališu Gazeta". Latgolys regiona atteisteibys agenturys vadeituos i Kulturkapitala fonda finansātuos Latgolys kulturys programys itvorā 2008. godā tyka atbaļsteits bīdreibys "Latgolys Studentu centrs" izstruoduotais projekts par "Latgališu Kulturys gazety" (šķārsteiklā zynoma kai [www.lakuga.lv](http://www.lakuga.lv)) atteisteibu. Sadarbeibā ar laikrokstu "Latgales Laiks" kotru mienesi jiusim byus ispieja isapazeit ar ituo Latgolys Jaužu portala jaunumim.

### Juris Viļums

Pādejuš godu laikā Latgolā ir pasalelynovs šķārsteikla (interneta) lītuojuoju skaits. Auguse ari latgaliskuo pošapziņa, par kū ir juosoka paļdis muzykantim, kuri dzīd latgaliski, Latgolys Radejys atteisteibai, kur ļauds nazakaunej runuot latgaliskai, šķārsteikla projektim (pīvadumam, [www.munidraugi.lv](http://www.munidraugi.lv), [www.borrowa.lv](http://www.borrowa.lv), [www.bezpvn.lv](http://www.bezpvn.lv),

[www.atzoly.lv](http://www.atzoly.lv), [www.dd.atzoly.lv](http://www.dd.atzoly.lv), [www.lr.lv](http://www.lr.lv), [www.latgola.lv](http://www.latgola.lv) i.c.) i dažaidim komentārim/forumim, kur teik raksteits latgaliskai. Paguojušajā godā tyka izmontuota ispieja radeit pyrmū latgališu kulturai velteitu portalu [www.LaKuGa.LV](http://www.LaKuGa.LV).

### Itaids portāls dūd ispiejis:

• ar latgališu kulturys jaunumim isapazeit iz vysa pasaulā (Latgolys regionā, Reigā i trimdys latgališim);

• apkūpuot informaceji par latgališu kulturā, deļ tam ka zinis ir izkaiseitys pasvaidim olūtīm i naratai ir naprecizys;

• tei ir demokratiska virtula ustoba, kuramā sovys dūmys var izstuoosteit kai kasdīnys skaiteituoji, tai ari latgališu kulturys i sabīdriskuos dzeivis dareituoji;

• portalā publicātūs materialus var izmontuot studenti, kā ari školuojuoju i školāni, kuri fakultatīvi vūica/vūicās latgališu rokstu

volūdu, literaturu;

• portalā ir publicāti ari naseņ papyldynuoti "Latgališu raksteibys nūsacejumi" ([lakuga.lv/lg/voluda/raksteiba](http://lakuga.lv/lg/voluda/raksteiba)).

Tik tuoļ par šķārsteikla sātys lopu [www.lakuga.lv](http://www.lakuga.lv), kuramā kotru dīnu varit at rast kū na viņ jaunu par latgališu vaicuojuoju, tak razi mienesi da ituo goda beigu "Latgališu Gazeta" kai "Latgales Laika" dalykums iz papeira drukotā veidā pidoovuos interesantuokuos viests, kai ari informaceji par gaidamajim latgaliskajim pasuocinim nuokamajā mienesi. Īsacejumus, kritiku, sovys rokstus i cyta veida informaceji aicynojam syuteit iz e-posta adresu: [lakuga@latgale.lv](mailto:lakuga@latgale.lv)

## "Latgolys Studentu centra" eistynuotī projekti – entuziasma rezultats

Latgolys Studentu centrs (LgSC) ir iz breivpruoteibys principa baļsteita organizaceja. Visi eistynuotī projekti ir entuziasma rezultats. Tys navar byut garants planveideigai volūdys i kulturys sorguošonai i atteisteibai. Vaļsts volūdys lykumā para dzāts, ka vaļstej juonūdrūšnoj latgališu rokstu volūdys kai viesturiska latvišu volūdys paveida sagloboušonu, aizsardzeibu i atteisteibu. Taišni deļ tam 2007. goda suokumā LgSC aktualizēja itū vaicuojuoju i aicynova tuo koordiniešonu nūdūt kaidai nu vaļsts istuodem. Dīvamžāļ vaļsts aktivitatis vys vēļ nav planveideigys i leidz ar tū ir pavysam gryutai saradzamys.



Latgolys Studentu centra bīdri kūsapuļcē 2008. goda 24.majī

Kai navāstiska organizaceja LgSC ir eistynovuse daudzus projektus i atbolsta ari cytu bīdreibu latgaliskuos idejys. Treis godus piec kuortys tyka sareikuots iz pasaulā leluokais latgališu muzykys festivals "Muzykys Skrytuļs"; četrus godus reikuoti kursi Latgolys školānim par latgališu volūdu, literaturu, kulturviesturi ("Atzoly"); tyka atbaļsteiti školuojuoju vosorys kursi "Vosoroošona" i bārnū daiļrunuošonys konkurss "Vuolyudzāni";

paguojušajā godā izveiduoys latgališu kulturys portāls LaKuGa.LV; sareikuoti literari muzykali pasuokumi "Latgalits Latgališam Draugs (La-La-Dra)", itūgod nūtyka ari Latgališu organizaceju kongress, pavysam naseņ ipierkta datortehnika bīdreibys tuoluokai atteisteibai. Golvonais LgSC mierkis ir aktivizēt jaunišu interesi, isaisteit vairuok studentu Latgolys viesturis pietniceibā, volūdys populariziešonā, jaunu projektu sagataviešonā – ir uzkruota

pīredze i gribam atteisteit Latgolys Studentu centra darbeibu iz prišku.

Koč ari studenti vairuokys aktivitatis beja īvīsuši jau suokūt ar Atmūdys godim, LgSC oficiali sovū darbeibu suoce tikai 2005. goda vosorā, taitod tei vēļ ir pavysam jauna organizaceja i vēļ daudz dorba, kab byutum ilikti stypri pamati i izstruoduots pietceceibys princyps.

24. majī Reigā Latvejis Etnografiskajā breivdobys muzejā Latgališu dīnu itvo-

rā tyka sareikuota ari LgSC bīdru kūsapuļce, kurā tyka apstyprynuota jaunuo vaļde: Ilze Sperga, Ilona Zaiceva, Jurs Viļums, Marita Papiņa i Raitis Tučs. Ituo goda laikā grybam nūstyprynuot LgSC, teik īvīsti vairuoki projekti jaunišu i studentu aktivitašu atbolstam. Kontaktinformaceja: [lgsc@latgale.lv](mailto:lgsc@latgale.lv), T.: 26393531; 29512432. Seikuoku informaceju var meklēt ari šķārsteikla sātys lopā: [www.lgsc.latgale.lv](http://www.lgsc.latgale.lv)

Lakuga.LV

### NŪTIKŠONU KALENDERS

#### "Tievanānu Nakts"

07.06.2008. – 08.06.2008., Tievanāni, Viļānu pogosts  
Latgališu literatura kluotinē i tekstūs, pasuokums autorim i skaiteituojuoju.

Rēzeknes rajona Viļānu pogosta Tievanānūs jau ūtrū godu piec kuortys byus pasuokums latgališu literaturys cīneituojuoju.

Tei vīta ir pi Viļānu, tautā sauc par Jaunviļānim. Suokums ir dūmuots kaiduos 18 stuņdēs vokorā. Var isarast mudruok i paleidzēt myzuot buļbys vakareņom, kai ari dalikt rūku pi apliecinis sakūpšonys i pūdu guozšonys.

Vokors i nakts ar tekstu skaiteišonu pi gunkura voi ustobā, ka ūdu byus par daudz. Vairuoku pakuopu i celiņū teksti, ļusteiga kūpā byušona i sarunys par dzeivi.

8. jūni nu reita Viļānūs byus tiers. Ti juonūpīerk koč kū sorkonu i koč kū raibu, koč kū citu i koč kū meikstu, koč kū garšeigu i koč kū dzeivu.

Saglobojūt tradiceju, byutu juonūpīerk cuoli i jim juoveļtej kaidā dzīsmē "Latgolys Radejā", kab labi pasadūtu i latgališu literatura, i čulana vystys.

Bet na jau tiergā vyss suoļs.

Suoļs ir asni, tekstūs i vibracejuos.

Vairuok skait šķārsteiklā: [www.lakuga.lv](http://www.lakuga.lv)

### Taiseits Latgolā / Made in Latgola

19.07.2008., Preiļu parka estrādi

Ituos vosorys leluokais latgališu muzykys koncerts!

Koncertu reikoj Latgolys Studentu centrs i Preiļu nūvoda dūme.

Koncertu atbolsta: Latgolys regiona atteisteibys agentura i Kulturkapitala fonds, Daugavpiļs Universitate i Rēzeknis Augstškola. Sponsors – a/s "Lāčplēsis".

Pisadaleis: "Laimas Muzykanti", "Bez PVN", "Dabasu Durovys", "Green Novice", "Likteneigais pagrīzīns iz Vainovu", "Weron Martin" i.c.

Par vysu seikuoka informaceja byus šķārsteiklā: [www.madeinlatgola.lv](http://www.madeinlatgola.lv)



### LgSC aktualī projekti

– "Latgolys jauniši – Latgolys nuokūtne" (finansiali atbolsta "Īpašu uzdevumu ministra sabīdrības integrācijas lietās sekretariāts");

– Latgališu muzykys koncertturneja "Made in Latgola / Taiseits Latgolā" (atbolsta Preiļu nūvoda dūme, Dagdys piļsātys dūme, Kruoslovys rajona padūme, Rēzeknes piļsātys dūme, Kuorsovys nūvoda dūme, Rēzeknes Augstškola, Daugavpiļs Universitate, Latgolys Radeja, munidraugi.lv, Latgale.LV, Latgolys regiona atteisteibys agentura, Vaļsts Kulturkapitala fonds);

– projekts "Latgališu rokstu volūdys ortografejis nūsacejumu prezentaceja: informativs seminars i nūsacejumu izdūšona";

– "Post Scriptum, trešais dzejas disks";  
– Latgales Stipendiju fonds (atbolsta privāti zidojuoju);  
– Latgališu organizaceju padūme – kongress@latgale.lv (sadarbeibā ar cytom latgališu organizacejom);  
– LgSC 2008. goda dorbu atbolsta Islande, Lihtenšteina i Norvegeja EEZ finanšu instrumenta i Norvegejis finanšu instrumenta itvorā, i Latvejis vaļsts ar Sabīdreibys integracejis fonda starpnceibu.

"Latgališu Gazetu" atbolsta Latgolys regiona atteisteibys agentura i Kulturkapitala fonds.

